

Полный сборник канонов и молитв святителю Николаю,  
архиепископу Мирликийскому

## Каноны Октоиха, восьми гласов

### Г л а с 8

*Начало канона см. 01 - Начало канонов.doc*

#### Песнь 1

**Ирмос:** Посеченый несекомага пресече, и виде солнце землю, юже не виде; лютаго врага вода потопи, и непроходимое пройде Израиль. Песнь же воспевашеся: Господеви поим, славно бо прославися.

*Припев:* Святителю отче Николае, моли Бога о нас<sup>1</sup>.

С лики вышних сил Царю всех, блаженне, предстои, нас на земли, присно призывающих тя, всякаго искушения злаго, Николае, спасай, разрешения проси прегрешений наших.

Иже тобою предстателем обогатившиися, Николае, во дни же и в ночи верую тебе зываем: ныне предвари ны вельми бедствующия бесовскими лукавыми наветы и тлетворных человек, яко да тишину получивше, восхваляем тя.

Слава: Крепкими жилами молитв твоих, Николае, удавити нас тщащихся конечному удувлению предаждь, избавляя нас от тех лукаваго навета, во хвалении зовущия: Господеви поим, славно бо прославися.

И ныне, *Богородичен:* Законов естественных кроме, родила еси Бога и Законодавца, человека бывша. Того, яко Блага, моли, Всенепорочная, наша беззакония презрети, вопиющих всегда: Господеви поим, славно бо прославися.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

#### Песнь 3

**Ирмос:** Ты еси утверждение притекающих к Тебе, Господи: Ты еси свет омраченных, и поет Тя дух мой.

Да тя почитаем, да поем тя всегда, подаждь нам руку помощи, святителю Николае.

Успи, Николае, твоими неусыпающими молитвами, яже на ны востающия напасти, молим тя.

Слава: Всего мя, страстми нападствуема, и искушений лукавых человек, ходатайством твоим, святе Николае, избави.

---

<sup>1</sup> Этот припев повторяется перед первыми двумя (или тремя, если есть третий) тропарями канонов святителю Николаю, в каждой песне.

**И ныне, Богородичен: Разрешение грехов, Чистая, даровати ми моли Избавителя и житейских лютых напастей.**

**Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.**

**Господи, помилуй. (Трижды.)**

*(Если по 6-й песни читается акафист, то перед седальными читаем кондак и икос.)*

### **Седален, глас 8**

**Источник чудес, отче мудре, прием от Господа, всем верным источаеши, блаженне, медоточныя воды: яко бо пастырь сый и проповедник веры, истиннаго Пастыря словеса соблюл еси. Темже, дерзновение к Немю имея, человеки спасл еси от смерти, Николае, иерарше блаженне, моли Христа Бога грехов оставление подати чтущим любовь святую память твою.**

*Слава, и ныне, Богородичен:*

**В тину впад грехов, и несть мне постояния, люте потопи мя буря прегрешений; но яко рождающая Слово, единого Человеколюбца, на мя, раба Твоего, призри и избави мя всякаго греха и страстей душевных, и всякаго озлобления лукаваго убийцы, Богородице неискусомужная, моли Христа Бога грехов оставление подати чтущим любовь святую память твою.**

### **Песнь 4**

*Ирмос: Услышах Господи, смотрения Твоего таинство, разумех дела Твоя и прославих Твое Божество.*

**От множества прегрешений моих во многия впадаю безчисленныя скорби; потщися, святе Николае, помощи ми, Благодателю подобяся.**

**Себе самого плачуща, погибающа, живый в лености; молитвами твоими, Николае, к покаянию руководи мя.**

**Слава: Иже три юноши избавлей, отче Николае, умрети хотящия, всякия мя избави тесноты и вечнаго осуждения.**

*И ныне, Богородичен: Делати ми разумы небесныя, Пречистая, укрепи мя, и души моея направляющи к животным входом движения.*

**Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.**

### **Песнь 5**

*Ирмос: Утренююще, вопием Ти: Господи, спаси ны, Ты бо еси Бог наш, разве Тебе, иного не вемы.*

**Укрепи нас молитвами твоими, богоблаженне Николае, соблюдати повеления Христа, единого Бога нашего.**

**В Мирех пожив, Николае, благоухания Божественнаго нас исполни, благочестно воспевающих тя.**

**Слава: Ущедри нас молитвами твоими, святителю, Бога всецедраго умоляя, Николае, да избавимся бед и скорбей.**

И ныне, *Богородичен*: Вод животóчных испóлнена сýщи, Отрокови́це, всех нас напо́й, благочестному́дренне пою́щая Тя.

Моли́ Бо́га о нас, святителю́ óтче Никóлае, я́ко мы усéрдно к тебé прибега́ем, скóрому помо́щнику и моли́твеннику о душа́х на́ших.

## Песнь 6

*Ирмос*: Моли́тву пролию́ ко Го́споду и Тому́ возвещу́ печа́ли моя, я́ко зол душа́ моя́ испóлнится и живóт мой аду прибли́жится, и молю́ся я́ко Ио́на: от тли, Бо́же, возведи́ мя.

Рай се́рдце твоё яви́ся, Никóлае, жи́зни дре́во посреде́ имéя, Изба́вителя Христа́, Егóже моли́ непреста́нно ра́я сотвори́ти жители́ вся ны, те́плым заступником тобо́ю обогáщияся.

В ле́ности жизнь мою́ прехожду́ и безбо́язненно согреша́ю, ока́янный, и та́мо неотрица́емое суди́ще помышля́я, стра́хом содержи́мь е́смь. Уще́дри мя, Бо́же, Николáя моли́твами, я́ко благоутро́бен.

Слава: Внеза́пу находя́щую ми бу́рю искуше́ний многообра́зных за мно́жество мои́х согрешéний, вопию́: не оста́ви мене́, блаже́нне, без заступле́ния, но простри́ ми, я́ко милостив, по́мощи рýку и спаси́ мя.

И ныне, *Богородичен*: Палáта вы́сокаго Царя́, и огнеобра́зный была́ еси́ престóл, Де́во, Херувим превы́шши и Серафим па́че ума́ бывшая. Тёмже Тя вся́кое дыха́ние сла́вит, я́ко Ма́терь Зижди́теля.

Моли́ Бо́га о нас, святителю́ óтче Никóлае, я́ко мы усéрдно к тебé прибега́ем, скóрому помо́щнику и моли́твеннику о душа́х на́ших.

Го́споди, помилуй. (*Трижды.*) Слава, и ныне.

*(Если читается акафист, то кондак и икос читаются по 3-й песни, перед седальнами.)*

## Кондак, глас 3

В Ми́рех, свя́те, священноде́йствитель показáлся еси́, Христо́во бо, преподо́бне, Ева́нгелие испóлнив, положи́л еси́ ду́шу твою́ о лю́дех твои́х и спасл еси́ непови́нныя от сме́рти. Сего́ ради освяти́лся еси́, я́ко вели́кий таи́нник Бо́жия благода́ти.

## Икос

Воспои́м ны́не святите́ля пёсньми, ми́рским лю́дем па́стыря и учи́теля, да моли́твами его́ просвети́мся: се бо яви́ся чист весь, нетле́нен ду́хом, Христу́ принося́ жёртву непоро́чну, чи́сту, Бо́гу благоприя́тну, я́ко святите́ль, очище́н и душе́ю и те́лом, тёмже сый и́стинно Це́ркве предста́тель и побóрник сея́, я́ко вели́кий таи́нник Бо́жия благода́ти.

## Песнь 7

*Ирмос*: Отроцы́ евре́йстии в пе́щи попра́ша пла́мень дерзнове́нно и на ро́су огонь положи́ша, вопию́ще: благослове́н еси́, Го́споди Бо́же, во ве́ки.

Исто́чил еси́ струи́ учéний, ересей́ изсуша́я пото́ки и ве́рных ду́ши напо́яющий богáтно, священноде́йственниче Никóлае; сего́ ра́ди тя почита́ем.

Укрепи́лся еси́, си́лою Тро́ическою возмога́емь, куми́ры ле́стныя погуби́ти,

тѣмже вѣрно молюся ти, отче: ума моего идола страстных отжени.

Слава: Мирянов, преподобне, первопрестольник быв, по смерти источаеши Божественное миро, злосмрадных наша отгоняя недуги, Николае всеблаженне, вѣрно к тебе приступающим.

И ныне, *Богородичен*: Укrotила еси течение смертное, безсмертнаго Бога рождающая. Егоже моли, Чистая, страсти умертвити смиреннаго моего телесе и жизни мя сподобити.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

## Песнь 8

*Ирмос*: Богоглаголивии отроцы, в пещи со огнем пламень попирающе, пояху: благословите, дела Господня, Господа.

Просвещен сый, богомудре святителю, светозарными лучами трисолнечнаго Божества, страстей моих тьму молитвами твоими разори, Николае.

Иже воеводы три избавлей от смерти, пришествием страшным твоим, священнотайниче Николае, от всякаго смертоноснаго вреда и нас избави.

Слава: Колѣблющияся бесовскими искушени и от обидящих человек твоими молитвами утверди нас и невредны спаси, всеблаженне Николае.

И ныне, *Богородичен*: Мольбу принеси Господеву, ущедрити и спасти верою к Тебе притекающия, Пресвятая Дево, человеком помощнице.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

## Песнь 9

*Ирмос*: Воистинну Богородицу, Тя исповедуем, спасеннии Тобою, Дево чистая, с безплотными лики Тя величающе.

Яко избавитель в скорби верою тя молящим, избави мя злобы всякия Николае, Благого моля Бога и Господа.

Сый с небесными ныне ликостояньми, святѣйший отче Николае, благого умоли Бога спасти нас.

Слава: Суд при двѣрех, блюди, душе моя, и Судий Богу возопий: Николая молитвами спаси мя, Господи.

И ныне, *Богородичен*: Света сущи приятелище, Дево, просвети омраченную страстьми душу мою, яко да верою и любовью присно славлю Тя.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

*Окончание канона см. 14 - Окончание канонов.doc*